



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hymni Ecclesiastici Novo Cultu Adornati

Clairé, Martin

Parisiis, 1676

Commune Apostolorum Tempore Paschali.

urn:nbn:de:hbz:466:1-12077

ECCLESIASTICI. 85

Per vos refloret sanctitas,
Et Spiritus charismata.

Præsta, beata Trinitas,
Ut cum tuis Apostolis
Nos sancta jungat caritas
Cunctis beatos sæculis. Amen.

COMMUNE APOSTOLORUM

TEMPORE PASCHALI.

AD VESPERAS,

& Matutinum.

TRISTES erant Apostoli,
Christi sepulto corpore,
Quem parricidæ servuli
Multo necarant vulnere.

Sed Angelis hortantibus,
Hunc prædicabant fœminæ
Suis statim fidelibus
Novo videndum lumine.

Quæ dum ciuitatis gressibus
Urgente currunt nuntio,
Priùs merentur omnibus
Jesu frui confortio.

Ad nota montis culmina
Se conferunt Apostoli,
Ubi stupent ad lumina
Amabilis spectaculi.

Ut sis perenne mentibus
Paschale, J e s u , gaudium,
Da Christianis omnibus
Jugem nitorem cordium.

Deo Patri cum Spiritu,
Christóque laus in æthere,
Qui glorioſo transitu
Victo triumphat funere. Amen.

AD LAUDES.

QUEM Sol revisit lætior,
Quem nuntiarunt Angeli,
Jesus revixit pulcrior;
Illum vident Apostoli.

In carne spectant vulnera,
Quæ solis instar emicant,
Teſtésque voce liberâ
Jam fufcitatum prædicant.

Tu carnis à tyrannide
Cor, Christe, nostrum libera,
Unusque totum posside
Tuâ subactum dexterâ.

Ut sis perenne mentibus
Paschale, Iesu, gaudium,
Da Christianis omnibus
Jugem nitorem cordium.

Deo Patri cum Spiritu,
Christoque laus in æthere,
Qui glorioso transiit
Victo triumphat funere. Amen.

COMMUNE
UNIUS MARTYRIS.

AD VESPERAS,
& Matutinum.

Deus, corona Cœlitum,
Merce tuorum militum,
In hoc triumpho martyris,
Effunde gazas ætheris.

Hic nempe forti pectore,
Auctusque sancto robore
Mundana sprevit pabula,
Inferna fregit spicula.

Pœnas adivit fortiter,
Et sustulit viriliter,
Pugnans tuo pro nomine,
Euso triumphat sanguine.